

第 1 章皈依三寶文

皈依三寶文

弟子眾等，一心至誠，虔誠皈依佛法僧三寶，
願行真實菩提心，慈悲喜捨，以信願功德力，
如來加持力，自性法界力，普入大悲智壇城，
成就一切善法功德，普願三界六道一切有緣
眾生，離苦得樂，出迷覺醒，安樂自在，得
生淨土，願此菩提心，遍滿十方界，誠以普
賢十大行願，供養他方十萬億佛土，禮敬諸
佛，稱讚如來，廣修供養，懺悔業障，隨喜
功德，請轉法輪，請佛住世，常隨佛學，恆
順眾生，普皆迴向，唵阿吽，唵阿吽，唵阿

吽，祈請十方諸佛菩薩龍天護法善神，諸位
得道高僧，得道道長，與得道法師，慈悲加
被護持，法報化吉祥圓滿。

第 2 章懺悔文

懺悔文

弟子○○○至心懺悔。自從無始至於今日。
未識佛時。未聞法時。未遇僧時。不知善惡。
不信因果。遇不善緣。近惡知識。動身口意。
無惡不為。身業不善。行殺、盜、淫。口業
不善。妄言、綺語、惡口、兩舌。意業不善。
起貪、嗔、癡、殺父、殺母、殺阿羅漢。破
和合僧。出佛身血。焚燒塔寺。誹謗大乘。
侵損常住。污梵誣僧。犯諸禁戒。作不律儀。
自作教他。見聞隨意。如是等罪。無量無邊。
今日披陳。發露懺悔。惟願三寶。同賜哀憐。

令我罪根。一念霜融。悉皆清淨。南無本師
釋迦牟尼佛、南無藥師琉璃光如來、南無阿
彌陀佛、南無大悲觀世音菩薩、南無大勢至
菩薩、南無大智文殊師利菩薩、南無大行普
賢菩薩、南無大願地藏王菩薩、南無清淨大
海眾菩薩。垂愍加護。

第 3 章稱讚觀世音菩薩

讚觀音文

南無過去正法明如來，現前觀世音菩薩。成
妙功德，具大慈悲。於一身心，現千手眼。
照見法界，護持眾生。令發廣大道心，教持
圓滿神咒。永離惡道，得生佛前。無間重愆、
纏身惡疾，莫能救濟，悉使消除。三昧辯才，
現生求願，咸令果遂，決定無疑。能使速獲
三乘，早登佛地。威神之力，歎莫能窮，故
我一心，歸命頂禮。南無十方三世一切佛一
切菩薩摩訶薩，摩訶般若波羅蜜。